

**B**AGI memperluaskan pengajaran dan penyelidikan dalam bidang pertanian, Universiti Putra Malaysia (UPM) menandatangani memorandum persefahaman (MoU) dengan Universiti Montpellier II (MU2), Perancis, baru-baru ini.

Dekan Fakulti Pertanian UPM, Profesor Dr Ghizan Saleh, berkata kerjasama yang dimekutkan melalui MoU ini adalah berasaskan kesaksamaan dan faedah bersama antara kedua-dua universiti.

Beliau berkata, menerusi MoU itu, kedua-dua pihak akan berusaha meningkatkan program pertukaran pelajar dan tenaga pengajar serta pentadbiran.

"Kerjasama ini turut membabitkan penyelidikan yang dilakukan kedua-dua pihak termasuk projek penyelidikan pertanian.

"Kami juga menubuhkan program bersama dan kerjasama lain dalam bidang pertanian yang dipersetujui kedua-dua institusi," katanya.

MoU selama lima tahun itu ditandatangani Naib Canselor UPM, Prof Datuk Dr Nik Mustapha R Abdullah dan Presiden MU2, Prof Dr Daniale Herin yang disaksikan Dr Ghizan serta Naib Canselor Perantaraan MU2, Prof Jarome Galy.

Walaupun Montpellier University ditubuhkan pada 1289,

# Kerjasama 5 tahun UPM, MU2

*Turut babit penyelidikan kedua-dua pihak termasuk pertanian*

**METERAI...** Datuk Dr Nik Mustapha (dua dari kanan) dan Dr Daniale Herin (dua dari kiri) menandatangani memorandum persefahaman khusus dalam bidang pertanian.



MU2 bermula pada 1970 dengan lapan bidang pengkhususan.

Sementara itu, delegasi UPM turut dibawa melawat Agropolis International iaitu pertubuhan komuniti saintifik yang dianggotai lapan pusat penyelidikan, lima universiti dan tujuh institusi pengajian tinggi di Montpellier.

Komuniti ini terdiri daripada 2,300 penyelidik, 7,000 pelatih, 1,400 juruteknik dalam 112 unit penyelidik.

Pengarah Agropolis, Dr Fabien Bouldier, berkata aktiviti yang dijalankan mereka termasuk bidang pertanian, makanan, alam sekitar, biodiversiti dan persatuan.

"Agropolis adalah satu badan untuk mengkoordinasi dan memudahkan hubungan kerjasama di antara institusi dan penyelidikan selain menjadi tuan rumah untuk delegasi saintis dalam dan luar negara," katanya.